



Ikamva-Ukunonophela
abantwana bethu

Isikolo seCawa 3

Isihloko sesifundo: "UYesu uhlamba iinyawo zabafundi"

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa esithi **"UYesu uhlamba iinyawo zabafundi"**

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasini ngaye (Umzekel, SS, RI, Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amaqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiqinisekison 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	UYesu uhlamba iinyawo zabafundi
Isicatshulwa seBhayibhile	Yohane 13 v 1-17
Injongo yesifundo	Namhlanje siza kufunda malunga ngendlela awayethobeke ngayo uYesu nendlela awayebakhathalele ngayo abafundi baKhe. Sinako ukufunda okuninzi kuYesu.

Isishwankathelo sesifundo:

UYesu nabafundi bakhe babelungiselela uMsitho wePasika. Logama babesidla isidlo sangokuhlwa, uYesu wayenezinto eninzi engqondweni yaKhe. Wayesazi ukuba uThixo unecebo kwaye unalo ulawulo kwinto yonke.

Emva kwesidlo sangokuhlwa waphakama, wathabatha amanzi, waza waqalisa ukuhlamba iinyawo zabafundi. Uthe ke uPetros kuye, Nkosi, zihlanjwe nguwe na iinyawo zam? Waphendula ke uYesu wathi, "Endikwenzayo mna akukwazi wena okwangoku, kodwa wokuqonda kamva."

Uthe ke uPetros, "akusayi kuzihlamba iinyawo zam." Uphendule uYesu wathi, **"Ukuba andithanga ndikuhlambe, akunasabelo nam." Ngoko Ke, mazingabi ziinyawo zam zodwa kodwa mazibe zizandla nentloko yam ngokunjalo!" Waphendula ke uPetros.**

Akuba egqibile ukuhlamba iinyawo zabo, wabuyela etafileni. "Niyakuqonda endikwenzeleyo kuni?" wenjenjalo ukubabuza.

"Nindibiza ngokuthi 'Mfundisi' 'ne' Nkosi, 'kwaye kufanelekile ukuba niyenze loo nto kuba ndiyiyo lonto. Ngoku ukuba mna, ndiyiNkosi noMfundisi, ndihlambe iinyawo, nani nifanele ukuhlambana iinyawo.

Ndininike umzekelo, ukuze nani nenze njengoko ndenze ngako mna kuni. **Akukho mkhonzi umkhulu kunenkosi yakhe, namthunywa umkhulu kunalowo umthumileyo.**

Ngoku niyazazi ezi zinto, ninoyolo ukuba nithi nizenze.



Sithetha ukuthini esi sifundo kuthi namhlanje?

Isifundo sifuna ukusifundisa ntoni?

- Zizicaka kuphela ababedla ngokuhlamba iinyawo zabantu kwaye uYesu ungumntwana kaThixo kwaye wayeyinkokeli yabafundi! Inkokeli akufuneki ihlambe iinyawo zawuphina umntu. Kodwa uYesu wakwenza oku ukuze afundise isifundo.
- Kufuneka sisoloko sinceda abantu. Wonke umntu kufuneka abe sisicaka kwaye akhonze ancede abantu ababangqongileyo.
- UYesu wayengoyena mntu mkhulu owakha waphila kwaye wayengaziphakamisanga ekuhlambeni iinyawo zabafundi bakhe. Ngoku asisoloko sihlamba iinyawo zabantu, kodwa zeziphi ezinye iindlela onokubanceda ngazo abantu ebomini bakho?
- UYesu ungumzekelo wethu. Singafunda okuninzi kuYe:
- Kufuneka sibathande abanye, kufuneka sibakhonze abanye, kufuneka sibancede abanye kwaye kufuneka sithobeke.

Eminye imibuzo esinokuyibuza:

- Yiba nomfanekiso ngqondweni wokuba abafundi babecinga ntoni xa uYesu wayeqala ukuhlamba iinyawo zabo?
Impendulo: Abafundi kufuneka babhidekile kwaye mhlawumbi bade baneentloni. Sinokusebenzisa umzekelo katitshala ujonge ukuhlamba iinyawo zabantwana ukuze abantwana bathi nabo baziva njani.
- Logama siding ukuhlamba iinyawo zabanye abantu yintoni esinokuyenza ukuze sikhonze abanye?
Impendulo: Singasoloko sithandazela abanye. Singabathobela abazali bethu. Singabanceda abanye abasweleyo ngokubanika ukutya okanye impahla xa singaphumelela ukwenza njalo.
- Sinokuthobeka njani?
Impendulo: Singathandaza kuThixo ukuba asenze sithobeke ngakumbi. Sinokufunda kuYesu. Sinako ukukhumbula ukuba singBantwana bakaThixo kwaye ufuna ukuba sincede abantu baKhe. Oku kusenza sithobeke ekuqondeni ukuba uThixo usicelile ukuba masincede.



Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen



Amabakala abalulekileyo
